



**Ecclesiasticae Historiae, Et Dicta, Inprimis Memorabilia,
Christi, Apostolorum, Martyrum, Confessorum, Doctorum,
& hostium veteris Ecclesie: singulari iudicio, & pio studio,
ex Eusebio Cæsariensi ...**

Eusebius <Caesariensis>

Haer. Chr. Egen., 1571

VD16 E 4284

3. Epistola Abgari Ad Christum. Euse. lib. 1. cap. 15.

[urn:nbn:de:hbz:466:1-69335](https://nbn-resolving.de/urn:nbn:de:hbz:466:1-69335)

*Impia damnavit totius criminis mundi.
 Et mores iussit deposuisse malos.
 Perculsa mentes venturi iudicis ira,
 Ad vitæ erexit gaudia lata nouæ.
 Et dígito coram populo monstrauit adesse
 Agnum, qui mundi criminis cuncta luat.
 Instituit sacrum primum Baptismatis vndam,
 Gratia cui summi plena fauoris adest.
 Abluit hæc sordes mentis, non corporis, vndam,
 Atq; monet carnem mortificare pios.
 Hæc igitur praesta sacrato flumine tinctus,
 Flaminis auxilio conueniente Deo.
 Pectore firmato cœlestia verba sequaris,
 In Gnatum credens corde fideq; Dei.
 Institue & vitam diuino pneumatice motus,
 Quæ placeat Domino, per pia facta, Deo.
 Sit castum corpus, sit mens pia, sancta q; vita,
 Virtuti studeas iustitiaq; nouæ.
 Et sis pacis amans sanctæ: sic certa salutis
 Spes erit æternæ non dubitanda tibi.*

3. EPISTOLA ABGARI AD
Christum. Euse. lib. I. cap. 15.

A B G A R V S V C'H A N I A E
 filius Toparcha, Iesu saluatori
 bono, qui apparuit in locis
 Hierosolymorum, S.

Audi-

Auditum est mihi de te, & de sanitatis, quas facis, quod sine medicamentis aut herbis fiant ista per te, & quod verbo tantum cæcos facis videre, & claudos ambulare, & leprosos mundas, & immundos spiritus ac Dæmones ejcīs, & eos, qui longis ægritudinibus afflictantur, curas & sanas, mortuos quoq; suscitas. Quibus omnibus auditis de te, statui in animo meo, unum esse è duobus, aut quia tu sis Deus, & descenderis de cœlo, ut hæc facias, aut quod filius Dei sis, qui hæc facis: Propterea hæc scribens, roguerim te, ut digneris usq; ad me fatigari, & ægritudinem meam, qua iam diu laboro, currare. Nam & illud comperi, quod Iudæi murmurant aduersum te, & volunt tibi infidiari. Est autem ciuitas mihi, parua quidem, sed honesta, quæ vtrisq; sufficiat.

*In Syria quondam celebri regnabat Edessa,
Abgarus populo carus in vrbe suo.
Iudaicus Christus quo tempore claruit oris,
Miraclis implens climata cuncta nouis.
Abgarus morbo Rex decumbebat acerbo,
Quem potuit medici tollere nulla manus.
Facta ubi Rex audit Christi miranda potentis,
A Domino scriptis talibus orat opem:
Ad Syria latos, Iesu clarissime, fines
Venit de gestis inclyta fama tuis.*

Cœlestis mundo tradis quòd dogmata vita,
 Morborum verbo tollis & omne genus.
 Claudis quòd gressus, cæcis quòd lumina reddis,
 Immundos lepra quòd scabieq; leuas.
 Dæmones expellis, vexantes corpora tetros,
 Eloquium mutis restituisq; citò.
 Defunctis reddis vita quòd munus & usum,
 Omnia qua verbo facta stupenda facis.
 His ego diuinis gestis adducor, ut altis
 Te missum è cælis augurer esse Deum.
 Siue Dei genitum cœlesti semine gnatum,
 Qui specie humana talia tectus agas.
 Est q; tua, ut referunt, bonitati iuncta potestas,
 Qua cunctos summo sape labore iuuas.
 Ergo etiam accedas, rogo, me, clarissime Iesu,
 Eg; meo morbum corpore tolle grauem.
 Quo miser hac longo conflictor tempore terra,
 Ars mihi quem medici tollere nulla potest.
 Et fama est istis dirum quòd vulgus in oris,
 Te velit eximium fraude necare virum.
 Vrbs licet angustis mihi sit circundata muris,
 Hæc tamen hospitium dulce duobus erit.
 Hac poteris mecum tutus requiescere in yrbe,
 Exigui regni portio clara mei.
 Hæc Syria Abgarus Christo Rex scripsit Edeffa,
 Talia cui Christus verba benigna refert.

4. RESPONSIO CHRISTI ad Abgarum, ibidem.

Beatus